

O Afea e Tupu ai le Afio Mai Faalua o Iesu Keriso?

TUSI LESONA SEMINARE O LE FEAGAIGA FOU

Pe na e tauiso ea pe o le a le taimi o le a tupu ai le Afio Mai Faalua o Iesu Keriso pe o le a e saunia foi? Atonu na i ai i le Au Paia i Tesalonia na lava foi fesili.

Faitau le 1 Tesalonia 5:1–3 ma vaavaai mo upu faatusa sa faaoga e Paulo e faamatala ai le taimi o le a toe afio mai ai Iesu i le lalolagi.

- O le a se mea na e mauaina?
- O le a se mea o aoao atu ia te oe e upu faatusa a Paulo i se gaioi i le po ma se fafine maitaga ua faatiga e uiga i le Afio Mai Faalua o le Faaola?

Faitau le 1 Tesalonia 5:4–6 ma vaavaai mo upumoni na aoao mai e Paulo e uiga i le saunia ai mo le Afio Mai Faalua. Faatusatusa nei aoaoga i le Mataupu Faavae ma Feagaiga 106:4–5.

- O a ni malamalamaaga na e mauaina?

O se tasi o upumoni e mafai ona tatou aoao mai i aoaoga a Paulo e faapea **afai tatou te taumafai e avea ma “tagata o le malamalama” e ala i le mulimuli ia Iesu Keriso, o le a tatou saunia pe a toe afio mai o Ia.**

Ina ia aoao atili e uiga i auala eseese ua valaaulia ai i tatou e le Alii ia avea ma tagata o le malamalama, faitau le 3 Nifae 18:24; Mataupu Faavae ma Feagaiga 50:23–25; 88:67–68. Lisi i lau api talaaga mo sutesuga mea e te maua e fesoasoani e te malamalama ai i le auala e avea ai ma se tagata o le malamalama.

- O faapefea ona e valaauliaina le malamalama o le Alii i totonu o lou olaga? E mafai faapefea ona e valaaulia Lona malamalama faasili i totonu o lou olaga?